

Ewōr An Ajri Eo Nejim CASA Volunteer

Ta CASA volunteer? CASA ak “Court Appointed Special Advocate” ej armej eo emōj kālet e bwe en kōnono ikkijeen ajiri eo, emōj an bōk ekkatak ko ikkijeen jerbal in ak *train* im ej ainikien ajiri eo ñan lale ta ko remman ñan ajiri eo ak ajiri ro rej pād ilo foster care im emōj aer kajool er im joļok er.

Nāāt renaaj kālet armej eo bwe en jerbal ippen ajiri eo? Ilo iien eo emōj an kien bōk ajiri eo im ej nejin kien kōnke emōj joļok e ak kajool e im kakkure e, armej eo emōj an judge eo kālet e ej eo im enaaj kōnono im ñae ainikien ajiri eo im baamle eo.

Ewi wāween an armej eo emōj kālet e naaj rie ajiri eo im baamle eo? Armej eo emōj aer kālet e enaaj kōmane ripoot eo an ñan jikin ekājet eo ñan an kōmeļeļeiki im lelok melele ko rekka im jejjet ikkijeen ajiri eo ñan jibañ judge eo kōmane pepe ko renaaj jejjet im jimwe ñan ajiri eo.

Ta kadkad eo kōtaan ajiri eo im armej eo jen CASA ak armej eo emōj kālet e? Armej eo emōj kālet e bwe en ainikien ajiri eo ej juon eo rej tōmak e, juon eo ejjelok kalikjōklok ilo an roñjake e, rie, im rejañ ajiri eo bwe en kwalok kōnaan ko an im būruon. Ej bareinwōt kile Riberbal ro jet im rej jerbal ippen ajiri eo im baamle eo an.

Ewi wāween an armij emōj kālet e kōmane im aini im bōk meļeļe ko ikkijeen case in an ej bōk eddo in? Mokta jen an kōmane ripoot eo an bwe en bok ñan imōn ekajet eo kōn ajiri eo, ej aikuij naaj mokta kōnono ippen ajiri eo, jinen im jemen ajiri eo, baamle ko an ajiri eo, Taktō ro an ajiri eo, im armej eo jet im rejelā kōn mour eo an ajiri eo. Elikin enaaj etale meļeļe ko ajiri eo - jen mōn jikuul eo, kōn ājmuur eo an ajiri eo, im pepa ko jet remool kōn ajiri eo.

Etan Armej Eo Ej Bok Eddo In Ajiri Eo _____.

Talboon: (xxx-xxx-xxxx)

Email:

Etan Supervisor Eo An Ej _____.

Email:

Ta Ko Armej Eo Emōj Kālet E Emaroñ Kōmane?

Armij eo emōj kālet e emaroñ kōmane ej:

- Lo lok ajiri eo ilo jikin eo raar likit e ak ioone ilo juon jikin ekutkut aerro naaj ioon doon im kōnono ippen.
- Kōnono ippen ajiri eo nejim ilo talboon ne erūtto ak ñe emaroñ klōnono ekkar ñan iio eo an.
- Pād ilo iien kweilok ko ippen team eo am baamle eo im etal im roñjake iien court ko.
- Kōnono ippen aolep armej ro rej pād im jela kōn case eo an ajiri eo, ekoba jinen im jemen, baamle ko an, therapist ak armej eo im etal im konono im kwalok buruen ñan e, Rikaki ro im Taktō ro an.
- Ej aini aolep meļeļe ko kōn ajiri eo im jeiki juon an ripoot ñan an tilmaake aolep meļeļe im kwalok lok ta ko rej walok im ta ko rej bōk jikin ikkijeen ajiri eo.

Armej Eo Emōj Kālet Ñan Ajiri Eo Ejjab Maroñ:

- Boktok boktak ajiri eo ak baamle eo an ajiri eo.
- Wia mweiuk ko relap wōneer an ajiri eo.
- Lelok naan in kapilōk ko enaaj jelet jimwe im maroñ eo an ajiri eo.
- Kōnono ak lelok meļeļe ko ñan ro ejjab tōlokier kōn ajiri in ekoba ro nukun im foster parent ak armej ro rej lale im emōj an kien kabweikier.